

Cyngor Sir CEREDIGION County Council

ADRODDIAD I'R: Pwyllgor Cydlynu Trosolwg a Chraffu

DYDDIAD: 15 Mehefin 2022

LLEOLIAD: SKYPE – Siambrau'r Cyngor, Penmorfa, Aberaeron

TEITL: Adroddiad Diogelu Grŵp Gweithredol Lleol ar y Cyd
CYSUR/CWMPAS
Chwarter 2 2021-22

PWRPAS YR ADRODDIAD: Monitro gweithgarwch ar sail amlasiantaethol o ran y camau a gymerwyd i ddiogelu plant ac oedolion yng Ngheredigion.

**RHESWM Y MAE'R
PWYLLGOR CRAFFU
WEDI GOFYN AM Y
WYBODAETH HON:** Sicrhau bod aelodau'n monitro cynnydd yng nghyfarfodydd rheoli chwarterol Grŵp Gweithredol Lleol ar y Cyd CYSUR/CWMPAS

CEFNDIR:

Amgaeir Adroddiad Diogelu Grŵp Gweithredol Lleol ar y Cyd CYSUR/CWMPAS ar gyfer Chwarter 2 2021-22.

Adroddiadau rheoli amlasiantaethol yw'r rhain ar ddiogelu plant ac oedolion yng Ngheredigion yn ystod y cyfnod rhwng 1 Gorffennaf a 30 Medi 2021. Darparant wybodaeth reoli ar y camau a gymerwyd o dan Weithdrefnau Diogelu Cymru.

Mae'r Adroddiadau yn cynnwys y wybodaeth a ddarparwyd gan asiantaethau eraill sy'n ymwneud â diogelu llesiant plant ac oedolion yng Ngheredigion.

Mae aelodau Grŵp Gweithredol Lleol ar y Cyd CYSUR/CWMPAS (Ceredigion) yn trafod y wybodaeth reoli hon er mwyn monitro a gwerthuso pa mor effeithiol yw'r trefniadau ar gyfer diogelu plant ac oedolion yng Ngheredigion a'r canlyniadau.

Mae'r cyfarfodydd amlasiantaethol hyn yn gyfle i nodi a gweithredu ar unrhyw faterion perfformiad a materion eraill o fewn y maes gwaith hwn.

Mae gwybodaeth am berfformiad hefyd yn cael ei darparu i Fwrdd Diogelu Rhanbarthol Canolbarth a Gorllewin Cymru sydd hefyd yn gyfle i ddadansoddi perfformiad, tueddiadau a materion ar draws y Rhanbarth.

Crynodeb o'r Pwyntiau Allweddol:

DIOGELU PLANT

- Roedd ychydig o ostyngiad yn nifer yr adroddiadau am blant a arweiniodd at gamau'n cael eu cymryd o dan y Gweithdrefnau Diogelu yn y chwarter hwn o'i gymharu â Chwarter 1, gyda 106 yn Chwarter 2 o'i gymharu â 116 yn Chwarter 1.
- Fodd bynnag, roedd cynnydd yn nifer y Gynadleddau Cychwynnol Diogelu Plant a gynhaliwyd o'i gymharu â Chwarter 1, gydag 11 o gynadleddau wedi'u cynnal ar gyfer 33 o blant yn y chwarter hwn o'i gymharu â 9 chynhadledd gychwynnol ar gyfer 18 o blant yn Chwarter 1.
- O ganlyniad i Gynadleddau Cychwynnol Amddiffyn Plant, cafodd 27 o blant eu rhoi ar y Gofrestr Amddiffyn Plant yn y chwarter hwn. Ni chafodd 6 plentyn eu rhoi ar y gofrestr.
- Cynhaliwyd 14 o Gynadleddau Adolygu yn y chwarter hwn ar gyfer 24 o blant. O'r 24 plentyn hyn, roedd 13 o blant wedi aros ar y Gofrestr Amddiffyn Plant, cafodd 11 eu tynnu o'r gofrestr. O'r 11 plentyn a ddatgofrestrwyd, derbyniodd 3 ymyrraeth bellach drwy Gynllun Plentyn sydd Angen Gofal a Chymorth; roedd 6 yn destun Gorchymyn Llys ac yn Blant sy'n Derbynn Gofal, ac nid oedd angen unrhyw wasanaethau ar 2 berson ifanc arall.
- Yr Heddlu oedd prif ffynhonnell yr adroddiadau a dderbyniwyd, gyda Gwasanaethau Cymdeithasol Mewnol ac yna Addysg hefyd yn darparu'r mwyafrif o'r adroddiadau a dderbyniwyd.
- Roedd gostyngiad yn nifer yr Ymholiadau Adran 47 a gynhaliwyd yn y chwarter hwn o'i gymharu â Chwarter 1, gyda 51 wedi'u cynnal yn y chwarter hwn a 65 yn Chwarter 1. O'r 51 o ymholiadau a gynhaliwyd, cwblhawyd 38 o'r ymholiadau hynny ar y cyd rhwng yr Heddlu a'r Gwasanaethau Cymdeithasol.
- O'r Ymholiadau a gynhaliwyd, cam-drin/camfanteisio'n rhywiol oedd y prif gategori o gamdriniaeth a ymchwiliwyd (21) gydag 14 yn ymwneud â honiadau o gam-drin corfforol, 12 yn ymwneud ag esgeulustod a 4 yn ymwneud â cham-drin emosiynol.
- Cynhaliwyd 81.5% o Gynadleddau Cychwynnol Amddiffyn Plant o fewn yr amserlenni statudol o'i gymharu â 94% yn Chwarter 1. Cynhaliwyd 2 gynhadledd yn ymwneud â 5 plentyn y tu allan i'r amserlen, un ohonynt oherwydd problemau staffio a'r llall oherwydd argaeledd teulu'r plant. Cynhaliwyd 91.7% o Gynadleddau Cychwynnol Amddiffyn Plant o fewn yr amserlen, a chynhaliwyd 100% o gyfarfodydd Grŵp Craidd o fewn yr amserlen.
- Y prif ffactorau risg i blant oedd ar y Gofrestr Amddiffyn Plant oedd cam-drin domestig (95%), rhieni'n gwahanu (60%), rhieni sy'n camddefnyddio sylweddau/alcohol (57.8%), rhieni sydd heb ymgysylltu â'r Cynllun Amddiffyn Plant (55.5%), a throseddau trais gan oedolion (53.3%). Roedd anawsterau iechyd meddwl rhieni yn ffactor risg 46.7% sy'n effeithio ar blant ar y gofrestr.

- O'r 45 o blant ar y gofrestr ar 30 Medi ymlaen, roedd 24 o blant wedi'u cofrestru o dan y categori cam-drin emosiynol/seicolegol, roedd 20 o blant wedi'u cofrestru o dan y categori esgeulustod, ac roedd 1 wedi'i gofrestru o dan y categori esgeulustod a cham-drin rhywiol

DIOGELU OEDOLION

- Mae cynnydd yn Chwarter 2 yn nifer yr oedolion yr amheuir eu bod mewn perygl o gael eu cam-drin a/neu eu hesgeuluso ers Chwarter 1, gyda 147 o oedolion yn Chwarter 2 o'i gymharu â 133 yn Chwarter 1. Fodd bynnag, mae'r ffigurau'n debyg i nifer yr oedolion yn Chwarter 4 (146). Yn Chwarter 4, roedd cynnydd yn y nifer o'i gymharu â'r chwarter blaenorol, ac mae'n ymddangos bod hyn yn dilyn codi cyfyngiadau Covid-19. Yn Chwarter 4 roedd cynnydd yn nifer yr adroddiadau a dderbyniwyd gydag ychydig o ostyngiad yn Chwarter 1 y flwyddyn hon ac yna cynnydd eto yn Chwarter 2.
- Derbyniwyd cyfanswm o 175 o adroddiadau/atgyfeiriadau yn y chwarter hwn. O'r 175 o adroddiadau a dderbyniwyd, aeth 87 o adroddiadau ymlaen i Ymholiad Adran 126.
- Asiantaethau Darparwyr oedd y ffynhonnell fwyaf o adroddiadau y chwarter hwn (42), wedi'i ddilyn gan yr Heddlu (34), yr Awdurdod Lleol (26) ac yna lechyd (25).
- Mae nifer yr adroddiadau a dderbyniwyd sy'n ymwneud â cham-drin emosiynol/seicolegol yn uwch nag unrhyw gategori o gamdriniaeth a adroddwyd yn y chwarter hwn, gyda 74 o adroddiadau ar gyfer hyn o'i gymharu â 49 ar gyfer cam-drin corfforol, 52 ar gyfer esgeulustod, 50 ar gyfer cam-drin ariannol a 15 ar gyfer cam-drin rhywiol. Mae hyn yn gyson â'r chwarteri blaenorol lle oedd y categori cam-drin emosiynol/seicolegol wedi cynhyrchu'r adroddiadau mwyaf o gam-drin.
- Mae cynnydd yn nifer yr adroddiadau a dderbyniwyd sy'n nodi cam-drin ariannol fel achos o bryder, ond bu lleihad yn nifer yr adroddiadau lle mae'r honiad yn ymwneud ag esgeulustod.

**LLESANT
CENEDLAETHAU'R
DYFODOL:**

**A gwblhawyd Asesiad Effaith
Integredig? Os naddo, esboniwch
pam**

Naddo

Crynodeb:

Caiff yr adroddiad hwn ei ddarparu'n barhaus ac mae'n dangos y gwaith parhaus a wneir ar ddiogelu plant yng Ngheredigion.

Hirdymor:	Cael cydbwysedd rhwng anghenion tymor byr a chynllunio hirdymor ar gyfer y dyfodol
Integreiddio:	Effeithio'n gadarnhaol ar bobl, yr economi, yr amgylchedd a'r diwylliant a cheisio dod â budd i bob un ohonynt
Cydweithio:	Cydweithio â phartneriaid eraill i gyrraedd y nod
Cynnwys:	Cynnwys y rhai hynny sydd â diddordeb a cheisio eu safbwyntiau; ymgysylltu ac ymgynghori â rhanddeiliaid
Atal:	Defnyddio adnoddau i atal problemau rhag codi neu waethygu

ARGYMHELLIAD(ARGYMHELLION):

Nodi cynnwys yr adroddiad a'r lefelau gweithgarwch â'r Awdurdod Lleol

RHESYMAU DROS YR ARGYMHELLIAD(ARGYMHELLION):

Er mwyn monitro dull llywodraethu gweithgarwch yr Awdurdod Lleol a'i asiantaethau partner.

Enw Cyswllt: Siân Howys

Swydd: Swyddog Arweiniol Corfforaethol: (Plant a Theuluoedd)

Dyddiad yr Adroddiad: 15 Rhagfyr 2021

Acronymau:

CP – Amddiffyn Plant

CPR – Cofrestr Amddiffyn Plant

Part 4 – Honiadau a wnaed yn erbyn aelod o staff neu'r rhai sy'n gweithio gyda phlant

e.e. – gofalwyr maeth, gwirfoddolwyr, cylchoedd chwarae at ati

CPCC – Cynadleddau Achos Amddiffyn Plant

ICPC – Cynadleddau Cychwynnol Amddiffyn Plant